

ՀԱՄԱԿԱՐԳՆԵՐ ԳԵՏԱԿԱՆ
ՀԱՄԱԿԱՐԳՆԵՐ ԳՐԱԳԱՐԱՆ

ԳՅԴ ԵՍԿ 07թ

«Ազգ եւ ժառանգություն»
Համահայկական
երիտասարդական
գիտաժողով



Լեռնային Ղարաբաղի Հանրապետություն
Ստեփանակերտ
սեպտեմբեր 26-30, 2006թ.

ՀՀ մշակույթի եւ երիտասարդության հարցերի նախարարություն
ԼՂՀ կրթության, մշակույթի եւ սպորտի նախարարություն
ՀՀ «Երիտասարդական միջոցառումների կազմակերպման
կենտրոն» ՊՈԱԿ
ԼՂՀ մշակույթի եւ երիտասարդության պալատ

«Ազգ եւ ժառանգություն»
համահայկական
երիտասարդական
գիտաժողով

Սեպտեմբեր 26-30 2006 թ.
Ստեփանակերտ

Գիտաժողովը նվիրվում է Լեռնային Ղարաբաղի Հանրապետության
հռչակման 15-ամյակին

Խմբագրական խորհուրդ

Ս. Խանյան -բանասիրական գիտությունների դոկտոր, պրոֆեսոր,
գիտության վաստակավոր գործիչ

Վ. Բալայան- պատմական գիտությունների թեկնածու, դոցենտ

Ա. Մխիթարյան – հոգեբանական գիտությունների թեկնածու, պրոֆեսոր

Շ. Ասրյան- տնտեսագիտության ամբիոնի դասախոս

Լ. Բեգլարյան- տնտեսագիտության ամբիոնի դասախոս

Գրքում զետեղված են սեպտեմբերի 26-30-ը տեղի ունեցած
Համահայկական երիտասարդական գիտաժողովի զեկուցումները

ծեռնարկատիրությունը, որից հիմնականում գյուղատնտեսությամբ զբաղվող տնտեսություններն են:

Հանրապետությունում վերջին տարիներին օրենքով և կառավարության որոշումներով լուրջ քայլեր են ձեռնարկվում փախստականներին և վերաբնակիչներին սոցիալական աջակցության ուղղությամբ, կառավարության ուշադրության կենտրոնում են հայտնվել հասարակական կազմակերպությունները, յուրաքանչյուր տարի ավելացնելով նրանց դրամաշնորհները՝ դրանով իսկ խթանելով քաղաքացիական հասարակության ձևավորմանը և կայացմանը: Հի կարելի ամտեսել մաս աշխատավորների, պետական ծառայողների՝ մասնավորապես ուսուցիչների և առողջապահության համակարգի աշխատակիցների աշխատավարձերի շոշափելի բարձրացումները:

Մի խոսքով, մեր պետությունը, որպես սոցիալական, իրավական և ժողովրդավարական, ինչպես ամրագրված է Սահմանադրության 1-ին հոդվածում, կայացած կհամարվի կայուն տնտեսության և իրավակարգի պայմաններում միայն, որտեղ լիարժեք կերաշխավորվեն մարդու և քաղաքացիական, և՛ տնտեսական, և՛ քաղաքական իրավունքներն ու ազատությունները:

Հաբեթ Մադոյան

*«Միտք երիտասարդական
վերլուծական կենտրոն» ՀԿ*

Գիտելիքահենք տնտեսությունը՝ որպես զարգացման միակ հեռանկար

Համաշխարհային տնտեսությունը XXI-րդ դարում մտնում է զարգացման ուրույն փուլ, որը բնութագրվում է Վերագզային կոր-պորացիաների ակտիվ գործունեությամբ, պետական առևտրային քաղաքականության լիբերալիզացմամբ, պետական սահմանները դիտարկվում են ավելի շատ տնտեսական, քան քաղաքական կամ աշխարհագրական տեսակետից և այլն: Մարդու կենսական, աշխատանքի պայմանների բարելավումը, գիտատեխնիկական առաջընթացը ստիպում են համաշխարհային տնտեսությանը թևակոխել զարգացման նոր փուլ՝ ինդուստրիալիզմից անցնելով հետ/պոստ/ ինդուստրիալիզմին: Հետինդուստրիալիզմի կարևոր հատկանիշը մարդու կենսական պայմանները բարելավող, նրա ամենաչնչին պահանջումները բավարարող ծառայությունների ոլորտի գերակայությունն է ճյուղական արտադրության նկատմամբ: Բացի դրանից, հետինդուստրիալիզմը ունի ևս մի քանի կարևոր հատկանիշներ.

- Կառուցվածքային տեղաշարժերի արդյունքում աճում է ոչ միայն ծառայությունների, այլև գիտատար ճյուղերի տեսակարար կշիռը տնտեսության մեջ: Առաջանում է բարձր տեխնոլոգիաների ճյուղերի գերակայություն մյուսների նկատմամբ,
- Բարձրանում է ուշադրությունը արտաքին միջավայրի, մարդու կյանքի սոցիալական, մշակութային, կրթական պայմանների բարելավման նկատմամբ,
- Ստեղծվում է տեղեկատվական հասարակարգ,
- Ջարգանում է փոքր և միջին ձեռնարկչատիրությունը և այլն:

Մարդկության զարգացման ընթացքում բարդացող հասարակական պահանջումները կարող է բավարարվել միայն գիտատեխնիկական առաջընթացի արդյունքում ստեղծվող արտադրանքով: Վառ օրինակ է բջջային հեռախոսների արտադրությունը, որտեղ յուրաքանչյուր նոր մոդել տարբերվում է մյուսից որևէ տեխնիկական նորությամբ, որն ուղղված է մարդու պահանջումների բավարարմանը՝ հեռախոսները համարվում են ֆոտո, վիդեո համակարգով, ունեն ինտերնետի մուտքի հնարավորություն: ԳՏԱ-ն խիստ կարևորվում է նաև ծառայությունների ոլորտում: Համաշխարհային ինտերնետային ցանցում առաջանում են սկզբունքորեն նոր ծառայություններ, որոնք արդյունք են ԳՏԱ-ի: Այնպես օրինակ է GOOGLE EARTH ծրագիրը, որը հնարավորություն է տալիս ինտերնետով կապվել տիեզերական արհեստական արբանյակի հետ՝ նկարահանելով և դիտելով երկիր մոլորակի ցանկացած վայր բավականին փոքր մասշտաբով: Ծրագիրը մի կողմից կարող է օգտագործվել և մասնավոր՝ անհատի անձնական, և կոմերցիոն նպատակներով՝ տուրիստական կազմակերպությունների, միջազգային բեռնափոխադրողների հետաքրքրությունը բավարարելու համար:

Վերը նշվածից կարող ենք ենթադրել, որ եթե առաջներում աշխատանքի միջազգային բաժանումը հիմնվում էր պետությունների կողմից արտադրության որևէ գործոնի տիրապետման վրա, ապա այժմ այն ստացել է նոր երանգներ, վերածվելով ավելի շատ *աշխատանքի միջազգային տեխնոլոգիական բաժանման*: Աշխատանքի մասնաբաժանման պայմաններում շահում է այն պետությունը, որն ունի գիտատեխնիկական մեծ ներուժ. հենց այստեղ էլ առաջ է գալիս գիտելիքահենք տնտեսության գաղափարը: Ըստ այդմ, գիտելիքահենք տնտեսությունը "ուղղակիորեն հիմնված է գիտելիքի և ինֆորմացիայի արտադրության, օգտագործման և բաշխման վրա": Արտադրության ընթացքում ստեղծվող հավելյալ արժեքի գերակշիռ մասը բաժին է

ընկնում նրա կենսական ցիկլի սկզբնական օղակներին, երբ գիտահետազոտական աշխատանքների արդյունքում գծագրվում է նոր արտադրանքը, ստեղծվում է արտադրական նմուշը կամ տեխնոլոգիական գործընթացը: Համաշխարհային տնտեսության սերտաճման պայմաններում ապրանքի կենսական ցիկլի տարբեր օղակներ կարող են տեղակայվել տարբեր երկրներում, հետևաբար, համաշխարհային եկամտից առավել մեծ բաժին է ունենում այն պետությունը, որի տարածքում անց են կացվում ցիկլի սկզբնական փուլերը:

Հայաստանի պես սակավ բնական ռեսուրսներով ապահովված պետության համար զարգացման միակ ճանապարհը գիտելիքահենք տնտեսության ստեղծումն է: Չնայած վերջին տարիներին վերագրային կորպորացիաները իրենց գիտահետազոտական ստորաբաժանումները մայր երկրներից (գրեթե միշտ՝ զարգացած) տեղափոխում են զարգացող նոր ինդուստրիալ երկրներ, այնուամենայնիվ կենսական ցիկլի ինովացիոն հատվածը ստեղծվում է զագացած երկրների տարածքում՝ մյուս երկրները հիմնականում օգտագործվում են արտադրության մյուսական գործունեների արդյունահանման համար: Հետևաբար, ցանկացած պետության ինքն է որոշում գիտելիքահենք տնտեսության ստեղծման անհրաժեշտությունը և ճանապարհները՝ համագործակցելով ՎԿ-ների միջազգային և համաշխարհային կառույցների մյուս երկրների հետ: Գիտելիքահենք տնտեսության անցման ՀՀ պատրաստակամությունը բազմիցս նշվել է ՀՀ պետական քաղաքականության ենթատեքստում: Դրանցից են թերևս ինֆորմացիոն տեխնոլոգիաների ոլորտը գերակա ճյուղ հայտարարելու նախագահի որոշումը, կառավարության կողմից զարգացման համապատասխան ծրագրերի մշակումը, հանձնաժողովների ստեղծումը և այլն: Սակայն այդ հարցում իրական տեղաշարժ տեղի ունեցավ միայն վերջերս՝ Հայաստանի Հանրապետության Ինովացիոն գործունեության պետական աջակցության մասին օրենքի ընդունմամբ, Ինովացիոն գործունեության հայեցակարգի մշակմամբ, ՀՀ-ում ինովացիոն համակարգի ձևավորման 2005-2010 թվականների ծրագրի մասին կառավարության որոշմամբ:

Գիտելիքահենք տնտեսության ստեղծման անհրաժեշտ պայմանը Ազգային ինովացիոն համակարգն է: ԱԻՀ-ը Հանրային և մասնավոր հատվածների այն ինստիտուցիոնալ միավորների միասնական համակարգն է, որոնց գործունեությունը և համագործակցությունը առաջացնում, փոփոխում, ներմուծում և սպառում է նոր տեխնոլոգիաները: Ընդունված է ԱԻՀ-ը բաժանել 5 հիմնական հատվածի.

- պետական մարմիններ, որոնք զբաղվում են ինովացիան քաղաքականության մշակմամբ, ինովացիոն համակարգի մոնիթորինգով, ինչպես նաև տարբեր մեթոդներով բարելավում են ազգային տնտեսության ինովացիոն միջավայրը,
- ինովացիոն գործունեությունը ֆինանսավորող առևտրային և ոչ առևտրային հիմանդամներ և կազմակերպություններ,
- ինովացիոն գործունեությամբ զբաղվող գիտաարտադրական, գիտահետազոտական և այլ տիպի կազմակերպություններ,
- գիտական, կրթական ուսումնական հաստատություններ, որոնք զբաղվում են համակարգի կադրային ապահովմամբ,
- ինովացիոն գործունեության վերաբերյալ խորհրդատվության հատկացում:

Ինովացիոն համակարգի հատվածների միջև առկա փոխադարձ կապերի ու կախվածություն զարգացումն ու ապահովումը նրա գործունեության կարևոր նախադրյալներից են: Հաճախ գիտահետազոտական կազմակերպությունների կողմից ստեղծված նորարարությունը չի մտնում արտադրություն՝ այդպիսի կապերի բացակայության կամ թույլ լինելու պատճառով: Արդյունաբերական ձեռնարկությունները՝ ուսումնասիրելով շուկայական պահանջարկը, գիտահետազոտական կազմակերպություններին ներկայացնում են իրենց պահանջները նորարարության նկատմամբ, այդ դեպքում ստեղծված նմուշը ունի շուկայական պահանջարկ, հետևաբար, նրա թողարկումը շահավետ է ձեռնարկությունների համար: Այսպիսով, բացի հիմնարար գիտական հետազոտություններից, փորձարարական և կիրառական գիտական հետազոտությունները իրականացվում են նրանց հետագա առևտրայնացման նպատակով: Ֆինանսական հատվածը ապահովում է ինովացիոն ձեռնարկությունների գործունեությանն անհրաժեշտ դրամով, ֆինանսավորում է գիտական կազմակերպությունների հիմնարար հետազոտությունները, ինչպես նաև օգնում է ինովացիոն փոքր և միջին ձեռնարկչատիրության սուբյեկտների կայացման հարցում: Ինովացիոն գործունեության խորհրդատվությունը վերաբերվում է հիմնականում մտավոր սեփականության պաշտպանությանը, ինովացիոն կառավարման ներդրմանը, շուկայում նոր արտադրանքի առաջխաղացմանը և այլն:

Այսպես, ՀՀ-ին՝ գիտելիքահենք տնտեսության ստեղծման համար անհրաժեշտ է.

- Ստեղծել գործող ինովացիոն համակարգ,

- Հայտարարել բարձր տեխնոլոգիաների ոլորտի զարգացման գերակայությունը և նրանց զարգացման քաղաքականություն անցկացնել,
- Խթանել բարձր տեխնոլոգիաների ներկրումը՝ արտոնագրերի, ֆրանչայզինգի, ռոյալթիթիների տեսքով,
- Ստեղծել գիտական ներուժի պահպանման և զարգացման կայուն համակարգ,
- Ֆինանսավորել պետական կարիքների համար առաջնային գիտական հետազոտությունները,
- Ասպիրանտուրաների, մագիստրատուրաների, պետական պատվերի բաշխման միջոցով զարգացնել գիտության առաջնային ոլորտները,
- Խթանել բարձր տեխնոլոգիաների ոլորտում կատարվող արտաքին ուղղակի ներդրումները:

Ամփոփելով, նորից նշենք, որ Հայաստանի համար միջազգային շուկայում մրցակցային առավելությունների ստեղծման միակ աղբյուրը նրա գիտական ներուժն է: Գիտական ներուժի վատնումը վերջին հաշվով կհանգեցնի նրան, որ Հայաստանը իր տնտեսական զարգացմամբ հետ կընկնի տարածաշրջանի երկրներից, ինչը սպառնում է հետագա ավելի մեծ բարդություններով, հետևաբար, գիտելիքահենք տնտեսության ստեղծումը հասարակության և պետության համար ռազմավարական նպատակ պետք է դառնա:

Ֆորմատ 84x60/8, ժավալը՝ 10.5 տպագրական մամուլ,
տպաքանակը՝ 300, թուղթ՝ օֆսեթ:
Տպագրությունը՝ «ՊՈԼԻԳՐԱՖ» ՓԲԸ
Ստեփանակերտ, Վ.Մամիկոնյանի փող., 21,
հեռ 4-89-96, 4-89-97, 4-89-98,

